

Platt partu:

Mit en Freesennerz to singen

In'n Nevelmaand, wenn't schuern mütt,
wenn't över Dack un Muern schütt,
schall de, de över't Schuern muult,
dor hengahn, 'neem em Muern schuult!

Moinmoin, leve plattdüütsche Maten un Frünnen!

Mit den Schüddelriemel baven grööt ik Se hartlich in'n nattkolen Harvst -- de Riemel is nich nieg, avers he passt. To finnen is he bi www.numanto.de in de Afdelen "Schüddelriemels". Un nu is noog mit Schüddeln! Kiekt wi trüch op den verleden Maand!

In düssen güllen Oktobermaand hett ja noch dat schöne Aarndankfest rinraagt, dat wi in uns Lütt Gebedbauk un in de schönen olen Leder op deegte Wies begahn hebbt. Den Maand afslaten hett -- al gehörig harvstlich -- de Reformatschoonsdag, för den Gertrud Everding en lütt Andacht schreven hett. Un uns Maten ut Grönau begrüöt en niegen Mitmaker, över den wi uns all freut -- Kai Gusek hett glieks en ganz afsünnerlich Andacht bistüert.

Op dat Natuur-Flack stellt Ludgerd Lüske uns all dree natuurwetenschaplich Nobelpriesen vun düt Johr vör -- dorünner sien besünner Fründ, dat Higgs-Boson. Uns Weder-Reeg vun Uwe Mohr geiht wieder, Anke Nissen föhrt ehr Reegn över Steens un Krüder wieder, un Antje Heßler knipst en Swanenvadder vun teemlich mörderischen Charakter. Dat Natuurnotizbook is liekwies vull.

Ut dat rieklich Wark vun Fiete Lüttenhuus hebbt wi de Riemels rutsöcht, de de Weltkriegen belüchten doot; dat is en intressante Dokumentaschoon. Uns Frieda will na düssen Maand en wat länger Paus maken (Hunnen maakt doch keen Winterslaap?!). Herrchen seggt, se mutt afspecken, un dorbi fallt ehr sachs nix in. In't Fröhjohr is se avers wedder dor.

Op dat Kinnerflack hett dat noch nix Nieges geven, man Sabine Brauer erinnert an dat Kipkapkögellopen -- dat is dat Laternelopen -- mit en egen Gedicht, dat se ok vörleest. -- Op all Flacken lohnt sik dat Rümsoopern!

So veel för hüüt. Kaamt Se good dör'n Nevelmaand un dör de Stille Tied! Un wenn wi uns wedder spreek, -- denn is al Advent! :-)

Hier nu de Übersicht. In'n Oktobermaand geev dat düsse niegen Bidrääg op Plattpartu:

Computerie:

Word-Tricks: Formate loswarrn. Vun Marlou Lessing

Plattdüütsch Kunst:

Notizen ut'n Märzmaand. Fotos un Verse vun Marlou (3.10.)

De Welt un Gott:

To'n Reformatioonsdag: En nieges Hart. Vun Gertrud Everding (30.10.)

Horst Wernecke vertellt: Swattarbeit in't Middelöller (27.10.)

Frieda: Tiet blifft stahn. Vun Willi Höfig (16.10.)

Frieda: De swatte Pudel. Vun Willi Höfig (16.10.)

De Weltkriege in't Wark vun Fiete Lüttenhus. Tosamenstellt vun Marlou Lessing (13.10.)

Wokeen wiest den Weg? Andacht ut Grönau vun Kai Gusek (13.10.)

En Leed to Aarndank, översett vun Marlou Lessing (6.10.)

In't Erinnern-Notizbook:

Dat Kipkapkögellopen. Vun Sabine Brauer, mit Spraakopnahm (6.10.)

In't Lütte Gebeedbauk:

Vun Aarndank na de Stille Tied (9.10.)

Aarndank: De grote Kroon (6.10.)

Aarndank: De lütte Kroon (3.10.)

Natuur un Wetenschap:

Orchideen bi uns tohuus: Knabenkruut. Vun Anke Nissen (27.10.)

Mörderische Swaans hett Antje Heßler sehn (23.10.)

De Maandsteen. Vun Anke Nissen (20.10.)

Nobelpries för Chemie: Form un Funktion per Computer. Översett vun Ludgerd Lüske (20.10.)

Nobelpries för Medizin: Pünktlich vun A nao B. Översett vun Ludgerd Lüske (13.10.)

Nobelpries för Higgs! Vun Ludgerd Lüske (9.10.)

Opas Bioland-Hoff hett Antje Heßler besöcht (6.10.)

Dat Weder in'n Septembermoond. Vun Uwe Mohr (3.10.)

In't aktuelle Natuurnotizbook:

Klatschmohn in'n Harvst! Vun Anke Nissen (27.10.)

Warme Oktobersünn! Vun Antje Heßler (23.10.)

Feenschöttel. Vun Anke Nissen (16.10.)

Mr. Kormoran un ik. Vun Anke Nissen (13.10.)

Niege Gummistevel! Vun Antje Heßler (6.10.)

Wat in de Welt vörgeiht:

2 Indrääg in Ewald Edens Blog Eden meent...

...un 4 niege Kommentaarn in Marlous plattdüütsch Notizbook.

Niege Spraakopnahmen:

Dat Kipkapkögellopen. Vun Sabine Brauer

Hartlich grööt

Marlou Lessing un dat lütte Plattpartu-Team